

clarum. Cum quo consentit Manuscriptum vetustum Baronis de Kainach, præter eos tamen recenset, Conradum Teuffenbachium ad Annum 1292. qui Elisabetham, Jacobi de Molsheim filiam in matrimonio habuit Anno 1328. & 1339. ejus pacta dotalia Sigillis suis firmarunt Jacobus de Molsheim & Ulricus de Weispriach. (b) Hartvico de Teuffenbach supra memorato Frater datur Ernestus, qui Margaretham N. penatibus induxit, & ex ea genuit Ortolphum, qui Anno 1337. & 1367. vixit, & cum Elisabetha Henrici de Weispriach filia thorum partivit. (c) Offo de Teuffenbach Anno 1295. 1316. & 1337. Welle de Teuffenbach Anno 1305. & Henricus Anno 1311. claruerunt. (d) Qui omnes in tabula Bucelini omitti sunt. Martinus Teuffenbachius Anno 1365. celebratur. (e) Rudolphus autem Anno 1366. & 1371. Burggravii in Vestenberg munus obiit. (f) Hartmannus (Härtl) de Teuffenbach Leutholdi qui Anno 1277. claruit filius Burggravius in Fürstfeld/castrum familiæ gentilitium Mayrhoffen dictum à Conrado Mayrhoffer Anno 1377. pretio comparavit, testes in instrumento citantur, Thomas Friett/Rudolphus de Waldsee Capitaneus Provincialis Styriæ & Georgius de Hervveigstein (Herberstein.) (g) Archivum Austriæ Statuum memoriam Leutholdi & Balthasaris Fratrum Teuffenbachiorum coluit, posterior Margaretham Ernesti à Künigsperg filiam in matrimonio Anno 1463. habuit. (h) Balthasar ille & Johannes à Künigsperg domum & hortum communem Cremsi Henrico Feuchter Parocho in Polan vendidit, Anno 1471. (i) Christophorus Pfuntan ultimus Nobilis apud Styros familiæ bona sua omnia in Bernhardum Teuffenbachium Anno 1507. mortis causa donatione transtulit. (k)

(a) Document. Monaster. ad S. Lampertum. (b) MSC. Kainach. (c) Ibi. (d) Ibi. (e) Ibi. (f) Ibi. (g) Ibi. (h) Archiv. Stat. Austr. num. 2945. (i) Ibi num. 3105. (k) MSC. Kainach.

CAPUT LXVI.

EQUITES DE HOHENECK.

Inter Antiquiores superioris Austriæ Equestres Stirpes merito hæc familia locum invenit; ex ea Johannes Hohenecker testante Archivo Statuum Austriæ prædium liberum Michhoff dictum, & bona quædam in Rennersdorff pro quinquaginta libris denariorum Parocho in Maur Anno 1420. vendidit. (a) Sigismundus ab Hoheneck literas vetustas Wolfgangi Trund de Windpasing Anno 1515. subscripsit. (b)

(a) Ar-